

TEMPUHL LASR





*“Nga olwelah nuh sum
lah Leum Elac fah usot
ma usrnguck El etuh ma
kom enenuh ke kom oruh
kihsackuhnlah lom in
kuhlwacnsap ac alu nuh sel
lun tempuhl Lal.*

— Prestuhn Russell M. Nelson



Efuh in Tempuhl?

Ke muhtwacwacackiyacn pacl luhn Olweacng Mahtuh ah, Leum El sapkihn nuh sin mwet Lal in muhsaheack tempuhl. Ke El fohlohkohnwack alu Lal ah, Leum El sifilpac fahk nuh sel mwet pahluh, Joseph Smith, in muhsaheack tempuhl uh.

Kuht eis mwe in sewowo ac kuh sin God ke kuht oasr lun tempuhl uh.

Sie mwe in sewowo yohk ma ituck lun tempuhl uh pa in tuhkweni wi God ac sucu lasr uh moul ma pahtpaht. In eis mwe in sewowo se inge, kuht enenuh in liyacacng masap Lal. Kihsackuhnlah lal Jisus Kraist ac kuh lal oruh ma se inge in kuh in sikyak. Kuht kuh in eklac oacna Jisus Kraist ke kuht ac som nuh ke tempuhl ac ukwe srikasrak Lal.

Olwelah ac Akwuck

Lun tempuhl uh, kuht oraclah olwelah ke kuht wi oruh akwuck muhtahl in kabsre kuht kapwack ke moul se inge. Olwelah se



1836 KIRTLAND TEMPLE DEPICTION

inge pa olwelah se kuht oraclah nuh sin God. Akwuck muhtahl pa mukwikwi muhtahl se ma oreklac ke kuh ac pristut luhn God. Akwuck muhtahl uh kahsre kuht in kahlwem kac ac esam olwelah lasr ma kuht oraclah uh.

Lun tempuhl uh, kuht olwelah in ahkos masap luhn God. El olwelah in ahkinsewowoye kuht ke kuht liyacacng olwelah lasr uh.

Lun tempuhl muhkwen pa kuht kuh in oruh olwelah muhtahl lasr ac eis akwuck ma enenweyuck in eis moul ma pahtpaht ac muhta ke tohkohsrahi celestial. Ip na wolacna ac yohk srihpac se ke olwelah lasr in ukwe Jisus Kraist pa in wi oruh akwuck muhtahl lun tempuhl. Yohk srihpac pac ke kuht ahkoo in fohlohklac muhta yohrohl Jisus Kraist ac Pahpah Tuhmasr Inkuhsrao sie lwen.

Nga ac ahkolah fuhkah?

Yohk ma kom kuh in oruh in ahkolah nuh ke tempuhl. In srikasrakkihn, kom enenuh in lutlut ke wosasuc lal Jisus Kraist ac orekmakihn mwe lutlut Lal ke moul lom an. Kom enenuh pac in liyacacng olwelah muhtahl ma kom oraclah tari, oacna ke olwelah lom ke kom pacptaislac uh.

Pacptais pa akwuck se emet ke wosasuc uh. Pa ip se ma enenweyuck emet in sroacng nuh ke inek in us kom fohlohk nuh yohrohl God. Tukun pacptais uh, kuht eis mwe sang luhn Nguhn Muhtahl, ke pacna sie akwuck sahyac. Ahkacsmuhkihyeyuck kuht ke olwelah lasr kuht oraclah ke kuht eis kuhfa luhn Leum ke wik nuhkwea ke alu uh. Kuhtuh akwuck enenweyuck ke wosasuc uh pa in eis Melchizedek Pristut (nuh sin mukul), eis mwe sang muhtahl lun tempuhl, ac sil lun tempuhl (ke pacl se kuht moul fin facluh kuh tukun moul se inge).





Akwuck muhtahl ke pristut inge ac olwelah inge pwen kuht nuh ke mwe in sewowo na yohk ma Pahpah Luhng El sang nuh sin tuhlihk Nahtuhl—pacl wowo in sifilpac weluhl muhta wi sucu lasr tukun moule se fin facluh inge.

Ahollah Mwet in Oruh Pacptais ac Ahkkweyeyuck

Mwet Lahngo lasr El luti lah pacptais ac ahkkweyeyucklac uh enenuh ac yohk srihpac. Mwet nuhkewewa ma luhngse fahsr tohkohl ac fohlohk nuh yohrohl Pahpah Tuhmasr Inkuhsrao enenuh in pacptaislac ac ahkkweyeyucklac. Oacna ke Jisus El fahk nuh sel Nicodemus ah: “Sahyacn mwet se el isuslac ke kof ac ke Nguhn, el tiacna kuh in ilyak nuh in tohkohsrahi luhn God.” (John 3:5).

In “isuslac ke kof” pa in pacptaislac, ac in “isuslac ke nguhn” pa in eis mwe sang luhn Nguhn Muhtahl ke ahkkweyeyucklac.

Ke Mwet Lahngo lasr El fohlohkohnwack Alu Lal kacel Mwet Pahluh Joseph Smith, El luti lah pacptais uh srwackna ma enenuh se. El oacyacpac luti lah pacptais uh enenuh in orek sin sie mwet ma oasr kuh luhn pristut se.

GOD EL LUHNGSE NOHFOHN TUHLIHK NAHTUHL UH

Mwet nuhkewewa tuhlihk nuhtin God. Nohfohnna sacohk Sel. El etwaclos ac El luhngse eltahl. Puhkantwen mwet eis pacl wo lalos in eis wosasuc uh ac pacptaislac ke pacl se elos moule uh. Tuhsruhke ac fuhkaha nuh sin mwet ma misac ac elos tiac pacptaislac kuh finne in etuh kacel Jisus Kraist? Kuh elos suc ma pacptaislac sin mwet ma wacngihn kuh la? Elos ac kuh pac in moliyucklac fuhkaha? God El tiacna muhlkuhnuhloslac!

Lun tempuhl uh, kuht kuh in oruh akwuck nuh ke pacptais ac ahkkweyeyuck luhn mwet suc misac ma tiac eis pacl wo lalos in

eis wosasuc. Akwuck ma orek luhn mwet sahyac uh pahngpahng ahollah mwet akwuck (kuh *vicarious* akwuck).

Pacptais lun tempuhl ac ahkkweyeyuck inge ma orek luhn mwet misac uh mwe sang ma orek ke luhngse.

Kuht luhlalfongi lah moul uh ac tuhtahflahna tukun misac uh ac sifacna ke sulaclah uh akwuck ma pahtpaht se. Kuht luhlalfongi pac lah elos suc misac etuh akwuck ma oreklac lalos ac kuh in sulaclah in eis kuh tiac.

MWET FUHSR AC MEMPUHR SASUC KUH IN WI

Muhtwacn fuhsr ac mukul fuhsr oasr pristut la kuh in wi nuh tempuhl muhtwacwacack ke mahlwem Jacnwacri ke yac ma elos yac singucul luo lac uh. Lwelah se inge sang nuh selos in utyak nu lun tempuhl ac oruh pacptais ac ahkkweyeyuck in ahollah mwet ma misac ah. Mwet mahtuh ma sasuc nuh ke alu uh kuh pac in eis pwepuh uh rackuhmacn lalos.

Mwet ma ahollah mwet misac in oruh pacptais ac ahkkweyeyuck uh kuh in orek luhn ninac ac pahpah, ninac mahtuh ac pahpah mahtuh, tuhlihk wiyac, ninac wiyacn ninac kuh pahpah tomom, pahpah wiyacn ninac kuh pahpah tomom, kuhsin, ac mwet sahyac.

Sucu uh kuh in ahkfokokoyeyuck ke orekma kuhlwacong se inge, Kom kuh in puhla fototoeni nuh sin sucu lom an ac yurin God. Puhla se inge kuh in usot nuh sum kuh, inek, ac luhlalfongi. Ac fah ahkinsewowoye kom ke inkacnek na puhkantwen.

Mwe Sang Muhtahl Lun Tempuhl

Kalmacn kahs se inge endowment pa “mwe sang se.” Mwe sang muhtahl lun tempuhl pa akwuck suc ma God El usot nuh sum mwe ahkinsewowo muhtahl. Mwe insewowo inge El muhkwenah kuh in sang. Mwe sang se inge kuh in ituck muhkwenah lun tempuhl muhtahl Lal.





In eis mwe sang muhtahl lom lun tempuhl enenuh in pa sie ma sikyak ke moul lom ma arulacna muhtahl. Puhkantwen mempuhr ke Alu uh eis mwe sang lun tempuhl lalos met liki elos kuhlwcansap ke misin kuh met liki elos pahyuckyak. Kuhtuh elos kena in fahsr nuh met ke inek in molwelah. Yohk srihpac in etuh lah mwe sang lun tempuhl lom ip enenuh se ac wolacna se ke fuhfahsryucsr lom fin facluh.

Kuhtuh mwe sang ma kom eis ke mwe sang muhtahl lun tempuhl pa:

- Yohkwelikh etuh ke srihpac luhn Leum ac luti Lal.
- Kuh in oruh ma nuhkwea ma God El ke kuht in oruh.
- Kolyuck pwacye ac karihngihnyuck ke kuht kuhlwcansapuh Leum, sucu lasr, ac mwet sahyac.
- Yohkwelikh finsrak, ahkkweyeyuck, ac mislac.
- Olwelah kawihl ingena ac nuh tok ma pahtpaht.

Ac ahok, mwe insewowo wolacna nuhkwea ke mwe sang lun tempuhl uh tuhkuh fin kuht mukwikwi fal nuh ke luhlhlafongi lasr.

Ke srihpen akwuck lun tempuhl ac olwelah uh muhtahl ac yohk srihpaciyac uh wacngihn sahflahiyac, mempuhr uh enenuh in suwohs. Elos enenuh pac in kuh in kahlwem ke ma kunaclos ma elos ac eis ke elos oraclah olwelah nuh sin God uh.

Sil lun Tempuhl

Engan se ma yohk emet ke moul uh sukokyak ke sucu luhngse se. Wo inmahsrlo luhn sucu uh enenuh orekma yohk. Tuhsruhk kain orekma inge use engan nuh ke moul se inge ac nwe tok ma pahtpaht. Finne nuh ke sucu ma inmahsrlo tiac arlac wo, wosacus luhn Jisus Kraist sang finsrak, ahkkweye, ac onweyuck. Ke plwacn in engan lal Pahpah Luhng, pahyuck se kuh in tuhkweni wi sucu lalos nwe tok ma pahtpaht.

Kuh se ma orwacni sucu uh nwe tok ma pahtpaht uh pahngpahng kuh luhn sil. Kuh se inge pa pacna kuh se ma Jisus El sang nuh sin mwet sap Lal ke puhluhn pacl se El oruh luti Lal fin facl se inge ah (liye Matthew 16:19). Pwacnwacng pahyuck nwe tok ma pahtpaht uh pahngpahng sil se. Tuhlihk ma isuslac kuh nuhtlac nuh ke pahyuck ma pahtpaht uh kuh in sil nuh sin sucu lalos nwe tok ma pahtpaht. Sahyacn pahyuck ma sahflah muhkwenah ke “misac tuhfeh oruh in fahsrwelihk,” sil lun tempuhl uh ahkkweye lah misac ac tuhfeh tiacna oruh in fahsrwelihk sucu uh.

Mukul ac muhtwacn se ma pahyuck ma sil lun tempuhl uh oraclah olwelah muhtahl sin Leum ac nuh sin sie sin sie. Olwelah inge ahkkweyelos lah inmahsrlolos ac ma na nwe tok tukun moule se inge fin elos pwacye nuh ke olwelah lalos uh.

Olwelah nuh ke pahyuck ma pahtpaht uh el oacyacpac enenuh nuh ke moule ma pahtpaht. Moule ma pahtpaht pa moule wacngihn sahflahiyac—kain in moule se ma God El moulekihn uh. Oasr sel God etuh nuhkwehwa, kuh nuhkwehwa, ac lahlmwetmwet nuhkwehwa. El kuhlwacng, luhngse, ac mongfihswacsr. Kalmacn moule ma pahtpaht pa kuht kuh in eklac oacna El sie lwen. Kalmac pa kuht kuh in moule Yohrohl ke wal fuhlwact se emet ke tohkohsrahi luhn celestial. Pa inge mwe sang yohk se emet ma Pahpah Tuhmasr Inkuhsrao el kuh in sang nuh sin tuhlihk Nahtuhl uh.

Leum El oacyacpac etuh lah tiac nohfohn tuhlihk Nahtuhl uh tuhfeh pahyuckyak ke moule se inge. El olwelah nuh sin nohfohn ma eis wosasuc ac liyacacng olwelah lalos ac fah kuh in pahyuckyak ac oraclah tuhlihk nahtuh, ke moule se inge kuh moule se fahsrhuh uh.

Akwuck luhn sil oracni pahpah ac ninac nuh sin tuhlihk nahtuhlos ahluhkwehlah fihl nuh kwewa ma muhtwacwack ke pacl met luhn facluh. In oraclihk mwe in sewowo nuh sin mwet



nuhkwewa, elos suc srwackna moul kuh in oruh sil in ahollah mwet ma misac uh. Sucu tuhfeh kuh in tuhkweni nwe tok ma pahtpaht. Oacna akwuck ma mwet uh ahollah mwet misac oruh uh, sil inge kuh in orek lun tempuhl muhkweni.

Pwepuh in Lwelah in Utyak nuh lun Tempuhl

In utyak nuh lun tempuhl el ma na muhtahl se. Ke srihpen lohm sin Leum uh, El oakiyac masap nuh sin mwet ma kuh in utyak ac wi eis ip la ke akwuck luhn tempuhl. Ke miting nuh ke pwepuh in lwelah in utyak nuh lun tempuhl, mempucr uh fahk na pwacye lah elos kampare in sun ma enenuh luhn Leum. Ke interview se inge, mempucr uh siyuckyuck selos kihsensiyuck tahklac ke sra puk 16.

Mwet mahtuh ma mempuhr sun yac se kuh in eis tempuhl rackuhmacn lalos ac sil. Interview luo enenweyuck in eis sie rackuhmacn ah nuh ke akwuck inge. Ma se emet elos interview sin pisap lalos (kuh pracns prestuhn) na tuhfeh sin prestuhn luhn stek kuh prestuhn luhn misin.

Mempucr sasuc ac mwet fuhsr yac singucul sie ac mahtuh liki kuh in eis rackuhmacn ke elos interview sin prestuhn luhn pracns lalos. Ma se inge lwelah nuh seltahl in wi oruh ip lalos ke pacptais lun tempuhl ac ahkkweyeyuck.

KIHSENSIYUHK NUHKE TEMPUHL RACKUHMACHN

- Oasr luhlalhfongi lom ke God, Pahpah Ma Pahtpaht, ac ke Wen Nahtuhl, Jisus Kraist, ac ke Nguhn Muhtahl?
- Oasr luhlalhfongi lom ke Iwacalah luhn Jisus Kraist ac ke orekma Lal in ekihn Mwet Lahngo lom ac Iwacalah lom?
- Oasr luhlalhfongi lom ke fohlohkyak ke wasasuc luhn Jisus Kraist?
- Kuh kom ahkkweye Prestuhn ke Alu luhn Jisus Kraist luhn

Mwet Luhlahlfongi ke Lwen-sahflah in pa mwet pahluh, mwet liyactwen, ac mwet eis fwackyuck sin Leum ac in pa mwet se muhkwen a fin facluh oasr kuh la in orekmakihn nohfohn ki luhn pristut?

- Kuh kom ahkkweye mwet ke Prestuhnsi Se Met ac U in Mwet Sap Singucul luo ah in pa mwet pahluh, mwet liyactwen, ac mwet eis fwackyuck sin Leum?
- Kuh kom ahkkweye Mwet Lol Luhlahp ac mwet kol ke Alu srihsrihk uh?
- Leum El tuh fahk lah ma nuhkwea enenuh in “orek ke nwacsnwacs” ye Muhtahl (Doctrine and Covenants 42:41). Kuh kom kampare in nwacsnwacs ke nuhnak lom ac elah lom an? Kom ahkos masap nuh ke kosro?
- Kom ukwe mwe lutlut ke Alu luhn Jisus Kraist ke moul lom sifacna ac ke acn sahyac sin sucu lom ac mwet sahyac?
- Kom ahkkweye kuh ahkfahsrye kuhtwena mwe luti, mukwikwi, kuh ma suhmuhslah ma lain ma ke Alu luhn Jisus Kraist luhn Mwet Luhlahlfongi ke Lwen-sahflah?
- Kom kampare in liyacacng lwen sahpuht in muhtahl, kwewana in lohm sum ac ke alu uh; wi alu; ahkoe kom ac nwacsnwacs in eis kuhfa luhn Leum; ac moulkihn moul lom an fal nuh ke masap ke wosasuc uh?
- Kom kampare in pwacye ke ma nuhkwea ma kom oruh uh?
- Kuh kom moli sie tahfuh singucul lom? Nuh sin mempuhr sasuc ma suk rackuhmacn: Kuh kom luhngse in ahkos masap ke moli sie tahfuh singucul?
- Kuh kom kahlwem ac ahkos masap nuh ke Kahs in Lahlmwetmwet?
- [Nuh sin mwet mahtuh muhkwen a] Kuh oasr elyah lom

ke mani nuh sin mwet se kom pahyuck se met kuh nuh sin tuhlihk? Fin aok, kom ahkfalye enenuh ingacn ne ingena?

- [Nuh sin mwet mahtuh eis mwe sang lun tempuhl muhkwenal] Kuh kom liyacacng olwelah lom ma kom oraclah lun tempuhl, weacng kom nukum tempuhl karmacn lom oacna ke sapkihnyuck ke olwelah sac?
- Oasr ma koluk upac ke moul lom an ma enenuh in ahkwoyeyucklac ke kuh luhn pristut in ipin auliyak lom an?
- Kom nuhnuh keim muh kom nwacsnwacs in utyak nuh ke lohmi sin Leum ac wi oruh akwuck lun tempuhl?

Wacna Fohlohk nuh ke Tempuhl, Fin Kuh

Pacl wowo in som nuh ke tempuhl el mwe insewowo na yohk se. Wacna som, fin kom kuh. Lotwelah in yohk ke plwacn luhn God nuh sin tuhlihk Nahtuhl, puhla Nguhn Lal, ac oruh akwuck luhn mwet somsomlah lom.

Oacna ke akwuck nuhkewewa ma kom oraclah lun tempuhl, mwet ma misac inge etuh ke kuhlwasnsap lom uh. Elos kuh in sulacnah in eis ma kom oraclah lalos inge.

In wi ahollah mwet misac oruh akwuck lun tempuhl uh oacyacpac lwelah nuh sum in lohng mwe insewowo, mwe sap, ac olwelah sihmlac uh. Ke ma kom puhlakihn lun tempuhl, kom ac tuhlah liye inkacnek puhkantwen ma plwacn in molwelah el ahkinsewowoye moul lom ac moul luhn sucu lom. Ma kom lotwelah ac puhlah inge ac tuhlah kahlwemi ac sacohk sum tok. Ke kom muhtwacta nuh ke tempuhl uh, kom ac puhlah luhngse luhn God ac ahknwacsnwacsyeyuck kom ke ma yohk srihpac uh.

Kuhlwasnsap in Ekihn Mwet Orekma ke

Tempuhl

Mwet orekma ke tempuhl pa mepucr ma oasr tempuhl rackuhmacn la ac elos sifacna ke in som kuhlzacnsap lun tempuhl pacl nuhkwea elos sulaclah uh.

Mwet orekma ke tempuhl uh kahsrh mepucr in oruh orekma lalos lun tempuhl. Elos kahsrwelos pac ke ohfuhs luhn tempuhl ke enenuh sahyac lalos uh. Mwet orekma ke tempuhl tiacna moliyuck nuh selos. Mwet orekma ke tempuhl uh kuh in tiac pahyuck kuh pahyuck, fuhsr kuh mahtuh.

Fin kom luhngse orekma ke tempuhl, nuhnak muhnahs sramsram nuh sin pisap kuh prestuhn luhn pracns lom an.



